
Юрт тинчлиги, ватан равнақи, халқ фаровонлиги, миллатлараро тотувлик, диний бағрикенглик каби ғояларни ўзида мужассам этган Конституциямиз миллий қонунчилигимизнинг мукаммал ифодаси сифатида халқимиз эътирофини қозониб келмоқда. Том маънода у инсон ҳуқуқи, шаъни, кадр-қиммати, эркинликлари, манфаатлари ва бурчлари муҳрланган Қомусномадир.

Президентимизнинг 2017 йил 20 июндаги “Ўзбекистон Республикаси Конституцияси қабул қилинганининг йигирма беш йиллигини нишонлашга тайёргарлик кўриш ва уни ўтказиш чоратadbирлари тўғрисида” ги фармойиши Асосий Қонунимизнинг ҳаётимизда тутган ўрни ва дунё миқёсидаги нуфузини ифода этади.

Яна бир аҳамиятли жиҳати шундаки, Ўзбекистон Республикаси Конституциясининг “Ўзбекистон” нашриёти томонидан чоп этилган янги нашрида сўнгги йилларда Асосий Қонунимизга киритилган ўзгартиш ва қўшимчалар ўз ифодасини топган.

4 декабрь куни Ислом Каримов номидаги вилоят театр-концерт саройида Ўзбекистон Республикаси Конституцияси қабул қилинганининг 25 йиллигига бағишланган тантанали тadbбир бўлиб ўтди.

Ўзбекистон Республикасининг Давлат мадҳияси янгради.

Тантанали тadbбирда Ўзбекистон Республикаси Олий Мажлиси Сенати аъзолари, вилоят, шаҳар, туман Кенгашлари депутатлари, шаҳар, туман ҳокимлари ва уларнинг ўринбосарлари, ҳуқуқни муҳофаза қилиш идоралари раҳбарлари, жамоат ташкилотлари вакиллари қатнашдилар.

Тadbбирни вилоят ҳокими, Олий Мажлис Сенати аъзоси Шухрат Ғаниев очиб, Бош Қонунимизнинг ҳаётимизда тутган ўрни ва аҳамияти хусусида сўз юритди.

Жинойат ишлари бўйича вилоят суди раиси Муроджон Мирзажонов Ўзбекистон Республикаси Конституциясининг асосий принцип ва қоидалари ҳақида маъруза қилди.

Ўзбекистон Республикаси Давлат мустақиллигининг 26 йиллиги муносабати билан Президентимиз Фармонида биноан бир гуруҳ юртдошларимиз Ватанимизнинг юксак унвонлари, орден ва медаллари билан тақдирланган эдилар.

Тантанада Ўзбекистон Республикаси Бош вазири ўринбосари Жамшид Қўчқоров, вилоят ҳокими Шухрат Ғаниев мазкур қутлуғ сана муносабати билан тadbбир иштирокчиларини самимий муборакбод этди ва мукофотланганларга орден, медаллар, фахрий унвонларни тантанали суратда топширдилар.

Шунингдек, вилоятимизнинг бир гуруҳ фаолларига “Ўзбекистон Конституциясига 25 йил” эсдалик нишони ҳам топширилди.

– Менга берилган мукофот давлатимиз раҳбарининг халқ ижодиётига, миллий анъаналаримизга эътиборининг ёрқин ифодасидир, – дейди II даражали “Соғлом авлод учун” ордени соҳиби, Фарғона туманидаги “Водил чинори” халқ дорбозлари жамоаси бadiий раҳбари Турсунали Мамажонов. – Халқимиз полвонларни яхши кўради, қадрлайди. Ҳар бир хонадонда ўғил фарзанд дунёга келса унинг ота-онаси полвоним, деб суяди. Ватанимизда юртимиз доврўғини кўтарадиган, эл ҳурматини қозониб, халқимиз юзини ёруғ қиладиган полвонлар кўпаяверсин. Қутлуғ кун барчага муборак бўлсин!

Тadbбирда Фарғона санъат коллежи ўқувчиларидан таркиб топган созандалар ансамбли ва хор жамоаси жўрлигида хонанда Баҳриддин Шароповнинг “Халқим” номли қўшиғи ижро этилди. Концерт дастурида фарғоналик таниқли хонандалар Шерали Раҳмонов, Баҳодир Мамажонов, Отабек Муҳаммадзоҳид, Икромжон Абдуллаев, Дилфуза Кодирова, Хумора Шокирова ижросидаги қўшиқлар, Фарғона шаҳар маданият уйи раққосаларининг чиқишлари байрам ~~1~~¹adbбири иштирокчиларига кўтаринки кайфият бағишлади. Айниқса “Ниҳол” мукофоти совриндорлари Малика Эгамбердиева, Диёра Мухторова, эстрада хонандаси Шоҳжаҳон Жўраев томонидан ижро этилган қўшиқлар олқишлар билан кутиб олинди.

М.АБДУРАҲИМОВА.

С.АБДУРАҲМОНОВА.

Шамсиддин Қорабоев олган суратлар.

2017-12-06 15:05:47